

From: Ivar.Vincent.Smarason@reykjavik.is
To: [Anna Kristinsdóttir](#); [Elísabet Pétursdóttir](#); [Arna Schram](#); [Helga Björnsdóttir](#); [Ómar Einarsson](#); [Ólöf Örvarsdóttir](#); [Glóey Helgudóttir Finnsdóttir](#); [Regína Ásvaldsdóttir](#); [Dís Sigurgeirsdóttir](#); [Helgi Grímsson](#); [Guðrún Sigtryggsdóttir](#); [Barnavernd skrifstofa](#); [Tómas Hrafn Sveinsson](#); [Tómas Ingi Adolfsson](#); [Joanna Marcinkowska](#); [Heimir Snær Guðmundsson](#); [Jóhanna Eirný Hilmarsdóttir](#); margrét.lilja.gunnarsdottir@reykjavik.is; [Halldóra Dýrl. Gunnarsdóttir](#); [Jóhanna Guðjónsdóttir](#); [Sigurjóna Guðnadóttir](#)
Subject: Fw: Heimildir til frávika frá skilyrðum sveitarstjórnarlaga vegna neyðarástands í sveitarfélagi - notkun fjarfundabúnaðar o.fl.
Date: miðvikudagur, 5. maí 2021 12:12:18
Attachments: [1a Heimildir til frávika frá skilyrðum sveitarstjórnarlaga.pdf](#)
[1b Tillaga_framlenging.pdf](#)
[1c 354-2021.pdf](#)
[1d auglysing um leidbeiningar um notkun fjarfundarunadar 6.pdf](#)

Tilvísun í mál: R18060129

Sæl,

Meðfylgjandi er tilkynning um afgreiðslu borgarstjórnar á tillögu um heimildir til frávika frá skilyrðum sveitarstjórnarlaga vegna neyðarástands í sveitarfélagi varðandi m.a. notkun fjarfundabúnaðar á fundum nefnda og ráða, ásamt fylgiskjöllum

Óskað er eftir að tilkynningin sé lögð fram á næsta fundi þeirra ráða og nefnda sem heimildin nær til.

Kveðja,

Ívar Vincent Smáráson
Skrifstofa borgarstjórnar
Ráðhús Reykjavíkur
s. 411 4703
Ivar.Vincent.Smarason@reykjavik.is

(See attached file: 1a Heimildir til frávika frá skilyrðum sveitarstjórnarlaga.pdf)
(See attached file: 1b Tillaga_framlenging.pdf)
(See attached file: 1c 354-2021.pdf)
(See attached file: 1d auglysing um leidbeiningar um notkun fjarfundarunadar 6.pdf)

Reykjavík, 5. maí 2021
R18060129

100

Nefndir og ráð Reykjavíkurborgar

Efni:

Heimildir til frávika frá skilyrðum sveitarstjórnarlaga vegna neyðarástands í sveitarfélagi - notkun fjarfundabúnaðar o.fl.

Bréf þetta er sent til allra fagraða Reykjavíkurborgar sbr. B-lið 63. gr. samþykktar um stjórn Reykjavíkurborgar og fundarsköp borgarstjórnar og annarra nefnda sbr. B-lið 64. gr

eftir því sem við á.

Á fundi borgarstjórnar þann 4. maí 2021 var hjálögð tillaga, dags. 4. maí 2021, um framlengingu á heimild til frávika frá skilyrðum sveitarstjórnarlaga vegna neyðarástands í sveitarfélagi, samþykkt í samræmi við auglýsingu nr. 354/2021 frá 30. mars 2021 um ákvörðun samgöngu- og sveitarstjórnarráðherra til að tryggja starfhæfi sveitarstjórna og auðvelda ákvarðanatöku við stjórn sveitarfélaga. Þar kemur fram að vegna neyðarástands af völdum COVID-19 farsóttar, hefur samgöngu- og sveitarstjórnarráðherra tekið ákvörðun um að framlengja heimild allra sveitarstjórna, sem veitt var með auglýsingu í Stjórnartíðindum nr. 230/2020, til að víkja tímabundið frá eftirfarandi skilyrðum sveitarstjórnarlaga til að tryggja starfhæfi sitt og til að auðvelda ákvarðanatöku við stjórn sveitarfélags, með vísan til VI. bráðabirgðaákvæðis sveitarstjórnarlaga, nr. 138/2011:

1. Að nota fjarfundarbúnað á fundum sveitarstjórnar og nefnda sveitarfélagsins, án þess að fjarlægðir séu miklar, samgöngur innan sveitarfélags séu erfiðar eða mælt sé fyrir um notkun slíks búnaðar í samþykktum sveitarfélagsins.
2. Að ákveða að engin takmörk verði á fjölda fundarmanna sem taka þátt í fundum sveitarstjórnar og nefnda sveitarfélagsins með fjarfundarbúnaði.
3. Að ákveða að valdsvið nefnda verði með öðrum hætti en mælt er fyrir um í samþykktum sveitarfélagsins.
4. Að fela fastanefnd eða einstökum starfsmönnum sveitarfélagsins fullnaðarafgreiðslu tiltekinna mála sem varða ekki verulega fjárhag sveitarfélags og lög eða eðli máls mæla ekki sérstaklega gegn, þrátt fyrir að kveðið sé á um annað í samþykktum sveitarfélagsins.
5. Að ákveða að staðfesting fundargerða sveitarstjórnar verði með öðrum hætti en mælt er fyrir um í 10. og 11. gr. auglýsingar um leiðbeiningar um ritun fundargerða sveitarstjórna, nr. 22/2013.

Vakin er sérstök athygli á því að gert verður ráð fyrir að kjörnir fulltrúar mæti að meginstefnu til á fundi ráða og nefnda á tímabilinu en áfram verði kostur á að taka sæti í fjarfundi fyrir þá sem kjósa að halda tveggja metra fjarlægð.

Það tilkynnist hér með.

Umrædd heimild gildir til og með 22. júlí 2021 og nær til:

mannréttinda-, nýsköpunar- og lýðræðisráðs
menningar-, íþróttar- og tómstundaráðs
skipulags- og samgönguráðs
skóla- og frístundaráðs
umhverfis- og heilbrigðisráðs
velferðarráðs
barnaverndarnefndar
endurskoðunarnefndar
aðgengis- og samráðsnefndar í málefnum fatlaðs fólks
fjölmeningarráðs
íbúaráða
innkaupa- og framkvæmdaráðs
ofbeldisvarnarnefndar
öldungaráðs

Frekar leiðbeiningar um heimild þessa og eftir atvikum um notkun fjarfundabúnaðar veitir skrifstofa borgarstjórnar.

Helga Björk Laxdal
e.u.

Hjálagt:

Tillaga um heimildir til frávika frá skilyrðum sveitarstjórnarlaga vegna neyðarástands í sveitarfélagi, dags. 4. maí 2021.

Auglýsing um ákvörðun samgöngu- og sveitarstjórnarráðherra til að tryggja starfhæfi sveitarstjórna og auðvelda ákvörðunartöku við stjórn sveitarfélaga nr. 354/2021.

Auglýsing um leiðbeiningar um notkun fjarfundarbúnaðar á fundum sveitarstjórna nr. 1140/2013.